

## 《寶篋印陀羅尼經》和寶篋印塔功德利益提要

### 一、與會聖眾無量不可思議的功德。

“一時，佛在摩伽陀國，無垢園中，寶光明池。

與大菩薩，及大聲聞，天龍藥叉，犍闥婆，訶蘇羅，迦樓羅，緊那羅，摩睺羅伽，人非人等，無量百千，前後圍繞。”佛的常隨眾一千二百五十人亦在其中。

### 二、釋迦牟尼佛和十方諸佛放大光明的無量功德。

“於時世尊，即從座起，才起座已，從佛身出，種種光明，間錯妙色，照觸十方，悉皆警覺，然後趣道。”“當爾之時，十方諸佛，皆同觀視，亦皆流淚，各所放光。”

### 三、釋迦牟尼佛和三世諸佛及所說一切經咒密印法要皆在其中。

“一切如來，無量俱胝，心陀羅尼，密印法要，今在其中。”

“有此法要在是中故。是塔即為如胡麻俱胝百千如來之身。亦是如胡麻百千俱胝如來全身舍利聚。

乃至八萬四千法蘊，亦在其中，九十九百千萬俱胝，如來頂相，亦在其中。”

#### 四、弘揚此經的無量功德。

“若有善男子、善女人、比丘、比丘尼、優婆塞、優婆夷。

書寫此經典者。即為書寫彼九十九百千俱胝如胡麻如來所說經典。

即於彼九十九百千俱胝如胡麻如來。種殖善根。即為彼等如來護念攝受。”

#### 五、讀誦此經的無量功德。

若人讀誦。即為讀誦過去一切諸佛所說經典。

若受持此經。即彼十方九十九百千俱胝如胡麻如來應正等覺。

彼一切如來一一方所。遙加攝護晝夜現身。”

#### 六、供養此經的無量功德。

若人供養此經。以花香塗香花衣服嚴具而供養者。

即於彼十方九十九百千俱胝如來之前。成天妙花妙香衣服嚴具。

七寶所成積如須彌。而為供養。種殖善根亦復如是。”

#### 七、書寫此經給塔裝藏開光的無量功德。

“若人書寫此經置塔中者。是塔即為一切如來金剛藏窻堵波。

亦為一切如來陀羅尼心祕密加持窻堵波。即為九十九百千俱胝如胡麻如來窻堵

波。亦為一切如來佛頂佛眼窻堵波。即為一切如來神力所護。”

#### 八、供養此塔和此經的無量功德。

“若有有情能於此塔種殖善根。必定於阿耨多羅三藐三菩提得不退轉。

乃至應墮阿鼻地獄若於此塔一禮拜一圍繞必得解脫。

皆得不退轉於阿耨多羅三藐三菩提。”

#### 九、以此經給佛像及窣都婆裝藏的無量功德。

“若人作塔或土石木金銀赤銅。書此法要安置其中。才安置已其塔即為七寶所成。

上下階陛露盤傘蓋鈴鐸網綴純為七寶。其塔四方如來形像亦復如是。

則一切如來神力所持。其七寶塔大全身舍利藏。高至阿迦尼吒天宮。

一切諸天守衛供養”

#### 十、禮拜供養塔及塔像的無量功德。

“若有有情，能於此塔，一香一華，禮拜供養，

八十億劫生死重罪一時消滅，生免災殃，死生佛家。

若有應墮阿鼻地獄，若於此塔，或一禮拜，或一右繞，塞地獄門，開菩提路。”

#### 十一、塔及形像所在之處的無量功德。

“塔及形像所在之處，一切如來神力所護，其處不為暴風雷電霹靂所害，

不為毒蛇 蝮毒虫毒獸所傷。不為獅子狂象虎野狼野干蜂蠆之所傷害。

亦無藥叉、羅刹部多、那毗舍遮、魑魅魍魎癩癘之怖。

亦復不爲一切寒熱諸病 癰疽瘡疥疥癩所染。”

## 十二、暫見此塔及形像的無量功德。

“若人暫見是塔，能除一切災難，其處亦無人馬六畜童子童女疫之患。

不爲橫死非命所夭，不爲刀杖水火所傷，不爲盜賊怨仇所侵，亦無飢饉貧乏之憂，

厭魅咒詛不能得便。

四大天王與諸眷屬晝夜衛護，

二十八部大藥叉將、日月五星、幢雲彗星、晝夜護持。

一切龍王加其精氣順時降雨。

一切諸天與忉利天，三時下來亦爲供養。

一切諸仙，三時來集，贊詠旋繞禮謝瞻仰。

釋提桓因與諸天女，晝夜三時，來下供養。

其處卽爲一切如來護念加持。”

## 十三、若人作塔書寫此神咒裝藏開光的無量功德。

“若人作塔，以土石木金銀銅鉛，書此神咒安置其中，

才安置已，其塔卽爲七寶所成，上下階級，露盤傘蓋，鈴鐸輪，純爲七寶。

其塔四方，如來形相，由法要故，一切如來，堅住護持，晝夜不去，

其七寶塔，全身舍利之妙寶藏，以咒威力，擢竦高至阿迦尼天宮之中，塔所串峙，一切諸天晝夜瞻仰，守衛供養。”

#### 十四、末法時期最安全的離苦得樂解決之道。

“金剛手。

後世末法逼迫時。多有衆生習行非法。應墮地獄。

不求佛法僧。不種植善根。爲是因緣妙法當隱。

唯除此塔。以一切如來神力所持故。

以是事故我今流淚。彼諸如來亦以是事悉皆流淚。”

#### 十五、誦咒念經增福延壽斷煩惱的無量功德。

“復有衆生，重罪報故，百病集身，苦痛逼身，

誦此神咒二十一遍，百病萬惱一時消滅，壽命延長，福德無盡。”

#### 十六、接近經咒塔及塔像卽生解脫成就的無量功德。

“若有烏雀，鴟梟鳩鴿，鴉 狗野狼，野干蚊虻，蟻螻之類，

暫來塔影，及踏場草，摧破惑障，覺悟無明，忽入佛家，恣領法財。”

十七、見聞接近經咒塔及塔形像卽生成就的無量功德。

“況有衆人，或見塔形，或聞鐸聲，或聞其名，或當其影，  
罪障悉滅，所求如意，現世安穩，後生極樂。”

十八、與受持此經之人見，聞，觸等成就的無量功德。

“若與此人，往過道路，或觸衣風，或踏其跡，或唯見面，或暫交語，  
如是等人，重罪咸滅，悉地圓滿。”

十九、此法永不隱滅的無量功德。

“我若滅度，後世末法，逼迫之時，若有衆生，習行非法，應墮地獄，不信三寶，  
不植善根，爲是因緣，佛法當隱，然猶是塔，堅固不滅，一切如來，神力所持。”

“金剛手言：我今幸蒙，世尊付囑，  
唯願我等，爲報世尊，深重恩德，晝夜護持，流布宣揚，一切世間。  
若有衆生，書寫受持，憶念不斷，  
我等麾催，釋梵四王，龍神八部，晝夜守護，不暫捨離。  
佛言：善哉！金剛手，汝爲未來，一切衆生，大利益故，護持此法，令不斷絕。”